

上方大洞真元圖書繼說終篇

子明告李昉曰而斯也聞諸道遠云之曩時
臣朝仙壇遇于白雲司馬鍊師言余居玉屋
清虛洞側獲真篆仙經二品一曰元精二曰
丹華既其真跡味其經旨方知龍章鳳篆與
世筆殊絕聖法仙方與凡文異軫空懷悵望
深恨不覩其人然精習彌久揮矚淵微布其
髻鬢而已爰昔抱朴真人得元精丹華二經
授沖和先生沖和先生授天台隱居劉君劉
君元祖古瀛州濮海郡人也繼拜般陽李真
人受金液之訣時龍集己亥適株林於宇姬
處獲九鼎神丹即感上方錫號太素真人蓬
萊仙君恒遊世間廣闡大洞妙真之元及採
訪正言善誘民心度有德者務觀天猷且上
聖之談經也者真仙以時而賦人然則真仙
以經法天其天人之事當何如哉故高士所
貴乎履道而已矣於是道遠備參教訓其言
也述先真之言即非誑誕其行也發後聖之
行力是的是是故言行成法圖書肖乎雲札
清新煥炳出辭天外垂訓凡間原其旨博矣

哉故弘道而不置非仙君其孰能云也是時
道遠告子明曰思惟仙君傳誨終焉人若或
由之養生謚矣但患世人苟寡功行固弗克
成其諒也哉仍惟心秘藏歸彭城之風宜乎
讚詠而作偈言雍也共訊兮大洞真元兮仙
君洪慈兮爰敷要道倪真源門下李從昭志
而著之已逸人曰僕聞聖人因言立教教是
言詮若絕乎名言則師資安在故假常試之
說以為行廣之門况人由道毓道藉人弘肇
有博施濟眾仍獲五福曠大未若傳經勸善
即得百祥深重嗚呼世人弗悟大夢惟晝夜
役役積藏餘賄但妬病死將至寇禍忽臨凌
持酷虐求終罔有以致物貨耗散於眾人惡
業肩累於一身此之際也奚虛悼哉方當念
道欲行善事象渴鑿井不亦晚乎爭如年且
康健時值清平喜捨淨財印造寶經流通轉
誦肖蔣社田固知祝願昭報繇響應聲及平
陰德益著嘉楨遐降自然巨朝金闕遊宴玉
京耶是時進人于夷山之上曳杖而行歌曰
博施濟眾之功兮未若傳經之福兮見存享

于天祿兮已往陞于仙堂兮臨行春勿空歸
曉曩時先師開居或問三清上聖十方化身
天尊子明對曰予覽廣成先生疏天地之前
混沌未立大道以一氣展轉相生為玄元始
三氣第一始氣所化號天寶丈人治玉清境
清微天總十有二部聖行之經為洞真教主
明自然之道上成之樞第二元氣所化號靈
寶丈人治上清境禹餘天總十有二部真行
之經為洞玄教主演無為之道中成之機第
三玄氣所化號神寶丈人治太清境大赤天
總十有二部仙行之經為洞神教主開道德
之本大成之柄也已伏聞高真無礙分身而
千劫度人上聖垂光散影而十方接物昔元
始應氣化身十方道言十方諸天尊其數如
沙塵化形十方界普濟度天人是諸天尊以
他心智了知一切根性可化度者化身往彼
隨類救度接引羣生今入正道或作帝王身
為眾生說帝王之道曰明無為之事輔自然
之理恭敬以奉于上帝仁慈以愛于下民或
作宰官身為眾生說宰官之道曰明廉忠正

直恭敬惠義故誠事于上以恕蒞于下或作
郎吏身為衆生說郎吏之道曰除酷虐害物
之心以哀矜救生之行勿因好惡恣起賞罰
由斯靡輟可以長久或作出家身為衆生說
出家之道曰常無為而無不為事無可而無
不可鍊內外之丹固性命之基達妙有真無
之理明洞神元氣之要既與道相合即長生
久視或作法師身為衆生說法師之道曰明
齋戒而設醮授籙錄以度人道述黃老經宗
尹莊賁其臺觀宮殿種子聖像真容及乎博
施而蔭福田濟衆而由善果或作龍王身為
衆生說龍王之道曰不泛溢以傷民田止飄
浪而伏溝洫時錫甘膏滋養稼穡或作男子
身為衆生說男子之道曰由孝悌之德行仁
慈之行契道符天安人利物及其居濁而納
汚乘清而濯溜與時變化母執我固或作女
人身為衆生說女人之道曰明安貞清烈之
性及從正昭德之志孝敬事于長仁慈臨于
幼或作乞士身為衆生說乞士之道曰為喜
無生豈樂自為甘貧而樂道不怨而忘貪知

其命也寡其欲矣處清淡之地在優游之鄉
或作下賤身為衆生說下賤之道曰宜乎恭
事主者朝夕匪懈常酌水以獻花屢誦經而
禮聖是諸化身天尊皆傳經度人故因緣經
云若有善人抄寫經教三洞大乘福流永劫
功德無邊何以故經者是上聖遺教導引惡
迷能發衆生無量道意從悟成真衆聖修行
皆證道果次問道經曰嘗看道非言則無以
闡其奧言非道則無以立其本然無言而道
隱不若有言而道明是故先師贊乎大哉道
域驅邪德官貽杜萬神宗教五大劫年初乎
龍漢延康之紀赤明上皇之號繼乎開皇紹
運天文咸備恭惟上聖授度仙人以九誠十
善三洞四輔統之以一二科列之以三十
六部爰因大羅天尊演之以雲篆一百萬有
八千篇上德皇帝著之以五千八百八十有
一章道君傳六十一品開百二十門及其封
三百六十洞天建七十二郡福地叙階職符
籙選陟遷界治蓋其誨聲與乎一音經終叶
于衆妙鳩醜巨範罔得而稱於是隱名大方

之家凡一百一萬四千五百九十有二事具
載玄都秘藏之內總明大洞妙經之元但患
後人弗能閱覽高匪去惑擬處無為直祖金
闕罔其難乎未有不學而得者也但占一言
勸善有益於修道人也偕隨音書之孤臣意
者肅敬上祝

大朝聖君睿算億萬斯年之末

上方大洞真元圖書繼說終篇